

萬 有 文 庫

第一集一千種

王雲五主編

閱 藏 知 津

(六)

釋智旭編

商務印書館發行

圖書集成

經學一覽一覽

卷之三

津知藏閱

編纂者

行善堂書局印

津 知 藏 閣

(六)

編 旭 智 釋

編主五雲王
庫文有萬

種千一集一第

津知藏閱

冊六

編旭智釋

號一〇五路山寶海上
五雲王

人行發

路山寶海上
館書印務商

所刷印

埠各及海上
館書印務商

所行發

版初月四年十二國民華中

The Complete Library

Edited by

Y. W. WONG

THE GUIDE TO BUDDHIST TRIPITAKA

BY SHIH CHIH HSÜ

PUBLISHED BY Y. W. WONG

THE COMMERCIAL PRESS, LTD.

Shanghai, China

1931

閱藏知津

卷第三十四

大乘論藏 釋經論第一之一

十住毗婆沙論十五卷。亦曰十生論。南志滿北規仁。

龍樹菩薩造。姚秦天竺沙門鳩摩羅什譯。

序品第一。入初品第二。地相品第三。淨地品第四。釋願品第五。發菩提心品第六。分別七因緣發心。調伏心品第七。因上品說三發心必成。餘四不必成。問答廣明成不成法。有五合爲二十法。是失菩提心。轉此法修習行。世世不忘菩提心。阿惟越致相品第八。易行品第九。廣明念十方佛及阿彌陀佛。過去七佛。未來彌勒佛。三世諸佛諸大菩薩等。以求阿惟越致。除越品第十。復明於諸佛所。應修懺悔。勸請。隨喜。迴向。分別功德品第十一。明六時懺悔等所有功德。分別布施品第十二。分別法施品第十三。歸命相品第十四。明歸依三寶義。五戒品第十五。知家過患品第十六。入寺品第十七。明齋日宜受八戒。及親近持淨戒者。亦不應於破戒比丘生輕恚心。但應生憐愍心。共行品第十八。謂在出家菩薩所共行法。四法品第十九。明八種四法。應遠離八種四法。應修習。乃至十法能淨治初地。念佛品第二十。明般舟三昧。念佛相好。四十不共法品第二十。

一次明念佛功德法身略說有四十種。四十不共法中難一切智人品第二十二。問家種種難佛非一切智一一答釋。四十不共法中善知不定品第二十三。讚偈品第二十四。以偈讚佛四十不共法。成念佛三昧。助念佛三昧品第二十五。明二種四法能生般舟三昧。又明在家菩薩有二十法出家菩薩有六十法。又餘助法有五十。譬喻品第二十六。釋經中導師喻。喻菩薩通達地法。略行品第二十七。一不放逸。二不放逸。及智慧。三戒心。慧。四諦捨滅慧。五五根。六六度。七七正法。信。慚。愧。聞。精進。念。慧。八大人覺。少欲。知足。遠離。精進。念。定。慧。樂。不戲論。九大忍。大慈。大悲。慧。念。堅心。不貪。不恚。不癡。十十善道。如是等法。菩薩應生。生已。應守護。守護已。應增長。又應遠離惡法。所謂一放逸。二貪聲聞辟支佛地。三憎諸菩薩。憎菩薩所行。憎甚深大乘經。四諂曲。急性。無慈。慳。五貪欲。瞋恚。睡眠。調戲。疑。六慳貪。破戒。瞋恚。懈怠。調戲。愚癡。七樂多事務。樂多讀誦。樂睡眠。樂語說。貪利養。常欲令人喜迷悶於道。心隨愛行。八邪見。邪思惟。邪語。邪業。邪命。邪方便。邪念。邪定。九不聞無上菩提。聞已不信。若信不受。若受不誦持。若誦持不知義趣。若知不說。若說不如說行。若行不常。若常行不能善行。十即十不善道。又成就三十二法。乃名菩薩。分別二地業道品第二十八。分別聲聞辟支佛品第二十九。明十善道。令何等衆生至二乘地。大乘品第三十。明菩薩修十善道。勝於一切。護戒品第三十一。明十善十惡果報。及明六十五分尸羅。解頭陀品第三十二。明十二行。各有十功德利。助尸羅果品第三十三。明六種四法能淨尸羅。又四種似尸羅而破尸羅。愼莫爲之一說有我。二不離身見。三見諸法定有四。聞諸行無生相。心則驚畏。又沙門有四。應學第四沙門。不應爲三。謂一者形色相沙門。二者威儀矯異。

沙門。三者貪求名利沙門。四者真實行沙門。讚戒品第三十四。戒報品第三十五。謂常作轉輪聖王。

按此論是釋華嚴十地品之初二地也。

十地經論十二卷。前有序。南側造。北離節。

天親菩薩造。元魏北天竺沙門菩提留支譯。

釋華嚴十地品。具有經文。論初論末。皆云佛成道二七日說。

大方廣佛華嚴經入法界品四十二字觀。六紙欠。南竟。北隸。

唐北天竺沙門大廣智不空譯。

具出經文。及梵字四十二。

彌勒菩薩所問經論七卷。南造。北顛。

元魏北天竺沙門菩提流支譯。

即釋大寶積經第四十一會。法義甚詳。先經。次論。

大寶積經論四卷。南弗。北虧。

元魏北天竺沙門菩提流支譯。

釋寶積第四十三會。

無量壽經優波提舍七紙欠。南次。北顛。

婆藪槃豆菩薩造。元魏北天竺沙門菩提留支譯。

天親菩薩明修五念門得生安樂國土見阿彌陀佛。一者禮拜。二者讚歎。三者作願。四者觀察。五者迴向。

寶髻經四法優波提舍一卷。南弗北靜。

天親菩薩造。元魏烏菟國沙門毗目智仙等譯。

釋大方等大集經之第十分

轉法輪經優波提舍九紙。南弗北靜。

天親菩薩造。元魏烏菟國沙門毗目智仙等譯。

佛住耆闍崛山告智員大海樂說辯才菩薩言。有二種住持。如來轉法輪。一者衆生住持。二者法住持。遂設十四難。然後一一解釋。

三具足經優波提舍一卷。南造北節。

天親菩薩造。元魏烏菟國沙門毗目智仙等譯。

佛住毗舍離大林精舍告無垢威德大力十言菩薩有三具足。一者施具足。二者戒具足。三者聞具足。翻譯記云。天親菩薩慈心開示唯顯經義弗釋章句。是故名爲優波提舍。

佛地經論七卷。南次北節。

和光等菩薩造。唐大慈恩寺沙門釋玄奘譯。

經是佛住淨土爲妙生菩薩說五種法。攝大覺地。所謂清淨法界。大圓鏡智。平等性智。妙觀察智。成所作智。論釋法相。最爲詳明。

勝思惟梵天所問經論三卷。南離北弗。

元魏北天竺沙門菩提留支譯。

有論無經。文來未盡。

文殊師利菩薩問菩提經論二卷。一名伽耶山頂經論。南離北弗。

天親菩薩造。元魏北天竺沙門菩提留支譯。

有經有論。

略述金剛頂瑜伽分別聖位修證法門十二紙。南優北鍾。

唐北天竺沙門大廣智不空譯。

說瑜伽自性三十七聖位。所謂十六菩薩。八方內外大護。及法界身。

大樂金剛不空真實三昧耶經般若波羅密多理趣釋二卷。南竟北葉。

唐北天竺沙門大廣智不空譯。

釋本經字句。理趣種種表法義門。

般若波羅密多理趣經大安樂不空三昧真實金剛菩薩等一十七聖大曼荼羅義述二紙半。南竟北

錄。

大興善寺三藏阿目佉金剛依釋略序。

述金剛菩薩名義表法之句。

瑜伽金剛頂經釋字母品二紙欠。南取北止。

唐北天竺沙門大廣智不空譯。

釋遏阿等五十字門義。

仁王般若陀羅尼釋六紙餘。南學北杜。

唐北天竺沙門大廣智不空譯。

諸教決定名義論三紙半。南壁北古。

聖慈氏菩薩造。宋北印土沙門施護譯。

明一切教中諸根本字。彼如實義。所謂唵字最爲上首。及吽字阿字等。即三身及金剛三業等。

聖佛母般若波羅密多九頌精義論七紙半。南壁北古。

勝德赤衣菩薩造。宋北印土沙門施護譯。

佛母般若波羅密多圓集要義論二紙半。南書北星。

大域龍菩薩造。宋北印土沙門施護譯。

金剛頂瑜伽中發阿耨多羅三藐三菩提心論六紙餘。亦名瑜伽總持教門說菩提心觀行修持儀。

唐北天竺沙門大廣智阿闍梨譯。似即自述。

事師法五十頌。二紙餘。南優北言。

宋西夏沙門日稱等譯。

馬鳴菩薩依祕密教略出。

大智度論一百卷。有僧叡序。南友投分切磨。嚴規仁慈。隱北傳訓。入奉母儀。諸姑伯叔。

龍樹菩薩造。姚秦北天竺沙門鳩摩羅什譯。

緣起論半卷。釋初品盡三十四卷。釋摩訶般若波羅密經九十品。惟初品具譯全釋。故有三十四

卷。餘皆什師十倍略之。取其足以開釋文意而已。

金剛般若波羅密經論三卷。亦名金剛能斷般若。南次北受。

無著菩薩造。隋南天竺沙門達磨笈多譯。

成立七種義句。一種性不斷。謂護念付囑。二發起行相。謂問答住降。三行所住處。有十八種。略爲八種。

四對治。謂十八住中各有二種對治。五不失。謂離增益損減二邊。如經中處處云。即非是名等。六地。謂

十六處。顯示信行地。證道住處。是淨心地。後上求佛地。七立名。謂金剛能斷義。

能斷金剛般若波羅密多經論頌七十七偈。南次北頌。

無著菩薩造。唐大薦福寺沙門釋義淨譯。

金剛般若波羅密經論三卷。南弗北受。

天親菩薩造。元魏北天竺沙門菩提留支譯。
釋經及無著頌斷二十七疑。

能斷金剛般若波羅密多經論釋三卷。南齊北齊。

無著菩薩造頌。世親菩薩造釋。唐大薦福寺沙門釋義淨譯。

與上同本。而不列經文。後附略明般若末後一頌讚述。即義淨作。

金剛般若波羅密經破取著不壞假名論二卷。南齊北齊。

功德施菩薩造。唐中印度沙門地婆訶羅譯。

妙法蓮華經優波提舍二卷。南齊北齊。

元魏北天竺沙門菩提留支共曇林等譯。

婆藪槃豆菩薩。此云天親廣釋序品及方便品略釋七喻等。

○妙法蓮華經論優波提舍二卷。南齊北齊。

元魏中天竺沙門勒那摩提共僧朗等譯。

與上論同。

大般涅槃經論九紙餘。南齊北齊。

元魏沙門達磨菩提譯。

婆藪槃豆菩薩釋迦葉菩薩所問偈。

涅槃經本有今無偈論與上全卷。南弗北顯。

陳優禪尼國沙門真諦譯。

天親菩薩造。兼釋諸行無常偈。

遺教經論一卷。南離北顯。

天親菩薩造。陳優禪尼國沙門真諦譯。

述曰。此經本是小機所見。屬阿含部。而天親以七分解釋。建立菩薩所修行法。則是開小成大。

卷第三十五

大乘論藏 釋經論第一之二

大方廣佛華嚴經疏四十卷。北作六十卷。南頗牧用軍最。北用軍最精宣威。

唐清涼山大華嚴寺沙門澄觀述。

將釋經義。總啓十門。第一起教因緣。謂因緣各開十義。第二藏教所攝。謂三藏中。正經藏攝。亦攝除二。於二藏中。菩薩藏攝。又權不攝此。此兼攝權。於五教中。唯圓教攝。此亦攝餘。第三義理分齊。略顯四門。一所依體事。二攝歸真實。三彰其無礙。四周徧含容。又各十門。以顯無盡。第四教所被機。前五揀非器。後五彰所爲。五揀非器者。一無信非器。二違真非器。三乖實非器。四陋劣非器。五顯所爲。

者。一正爲一乘圓機。二兼爲信向成種。三引爲權教菩薩。四權爲二乘。五遠爲凡夫外道闡提。第五教體淺深略明十體。一音聲。二名句文。三通取四法。四通攝所詮。五諸法顯義。六攝境唯心。七會緣入實。八理事無礙。九事事無礙。十海印炳現。後二正是經宗。融取前八。無所遺矣。第六宗趣通別。總爲十宗。一我法俱有。二法有我無。三法無去來。四現通假實。五俗妄真實。六諸法但名。七三性空。有八真空絕相。九空有無礙。十圓融具德。今經以因果緣起理實法界不思議爲宗。第七部類品會。一彰本部。二顯品會。三明支類。四辨論釋。第八傳譯感通。第九總釋經題。初解經題。二明品稱。解經題中十門分別。一通顯得名。二對辨開合。三具彰義類。四別釋得名。五展演無窮。六卷攝相盡。七展卷無礙。八以義圓收。九攝歸一心。十泯同平等。第十別解文義。亦有十例。一本部三分科。二問答相屬科。三以文從義科。四前後福疊科。五前後鉤鎖科。六隨品長分科。七隨其本會科。八本末大位科。九本末徧收科。十主伴無盡科。此後乃隨文科釋。

華嚴經隨疏演義鈔六十卷。北作九十卷。南精至丹。北沙至禹。

即清涼山澄觀自釋前疏。

○大方廣佛華嚴經疏鈔三十卷。稷稅熟。

即前疏中懸談合鈔別行。

華嚴一乘教義分齊章三卷。北作四卷。南丹北跡。

唐京大薦福寺沙門法藏述。

開釋如來海印三昧一乘教義。略作十門建立。一乘第一。教義攝益第二。古今立教第三。分教開宗第四。乘教開合第五。起教前後第六。決擇其意第七。施設異相第八。所詮差別第九。義理分齊第十。華嚴經指歸一卷。南青北跡。

唐京大薦福寺沙門法藏述。

一說經處。二說經時。三說經佛。四說經衆。五說經儀。六辨經教。七顯經義。八釋經意。九明經益。十示經圓。於十門中各明十意。

華嚴經明法品內立三寶章二卷。南青北跡。

唐京大薦福寺少門法藏述。

一三寶章。略作八門。二流轉章。略作十門。三法界緣起。略陳四門。四圓音章。略作四門。五法身章。四門分別。六十世章。義作二門。七立義章。又分十門。

大方廣圓覺脩多羅了義經略疏之鈔三十卷。前有宗密經序。治本於。

唐終南山草堂寺沙門宗密述。

將釋此經。十門分別。一教起因緣。二藏乘分攝。三權實對辨。四分齊幽深。五所被機宜。六能詮體性。七宗趣通別。八修證階差。九通釋名題。十別解文義。

大方廣圓覺脩多羅了義經疏四卷。南石北「缺」。

唐終南山草堂寺沙門宗密述。

佛說阿彌陀經疏七紙 南青北百。

唐新羅國沙門元曉述。

三門分別。初述大意。二釋經宗致。三入文釋。正宗分中以發菩提心釋多善根福德因緣名爲正行。一日乃至七日持名名爲助行。

佛說觀無量壽佛經疏一卷 南法北約。

陳隋天台智者大師說。

此經以心觀爲宗。實相爲體。所言佛說觀無量壽佛者。佛是所觀勝境。舉正報以收依果。述化主以包徒衆。觀雖十六言。佛便周也。從能說所說人以立名。以心觀淨。則佛土淨。爲經宗致。生善滅惡爲經力用。大乘方等而爲教相。二藏明義。菩薩藏收漸頓悟入。此即頓教。從如是訖清淨業處爲序分。從爾時世尊放眉間光訖諸天發無上道心爲正說分。爾時阿難白佛下訖經爲流通分。

楞伽阿跋多羅寶經註解四卷 今作八卷 北主南「缺」。

明天界善世禪寺住持僧宗渤。

演福講寺住持僧如玘奉詔同註。

維摩詰所說經註六卷 北作十卷 前有僧肇序 務

姚秦鳩摩羅什并僧肇等註。

維摩詰所說經疏十卷 元朝藏中謙字號南北二藏並「缺」。

隋天台智者大師說

維摩詰所說經疏記六卷。元朝藏中謹字號南北二藏並「缺」。

隋天台智者大師說

四教義六卷。弊

天台山修禪寺沙門智顗撰。

第一釋四教名爲五。一正釋。二敷定。三引證。四料簡。五明經論用教多少不同。第二辨所詮爲四。一約四諦理。二約三諦理。三約二諦理。四約一諦理。第三明四門入理爲五。一略辨四門相。二正明四門入理。三悉檀起四門教。四約十法成門義。五信法兩行四行不同。第四明判位不同爲六。一約三藏教位。明淨無垢稱義。二約通教位。明淨無垢稱義。三約別教位。明淨無垢稱義。四約圓教位。明淨無垢稱義。五約五味以結成。六明經論教多少。第五明權實。第六約觀心。第七通諸經論。此三科未說。蓋是維摩詰經玄義少分也。

金光明經玄義二卷。南遵北會。

天台智者大師說。門人灌頂錄。

總釋五章爲二。初生起。二簡別。別釋五章爲五。初釋名。又五。一通別。二翻譯。三譬喻。四附文釋。五常體釋。後更約觀心釋。就第三譬喻中。先破舊解。次爲三意。一標十數。二釋十相。三簡十法。十數者。謂三德三寶。三涅槃。三身。三大乘。三般若。三菩提。三佛性。三識。三道也。釋之與簡。具在本文。四附文釋者。即指